



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Sacrificio Missæ Expedite Celebrando Libri III

Tamburini, Tommaso

Coloniæ Agrippinæ, 1661

An pro Catechumenis, parag. 3

urn:nbn:de:hbz:466:1-41878

esse, ut superet omnem æstimabiliratem pecuniæ: & ex alia, infidelẽ, vel peccatorem offerentem eleemosynam velle interpretativè, illud, quod velle rationabiliter potest. Cum igitur possit solum participare de fructu Imperationis, hanc solum, & nihil præterea, velle, præsumendus est.

§. III.

An, & quatenus Missa offerri potest pro Catechumeno.

Valdè differt, à præcedenti, præsens quæstio, nam hic supponimus Catechumenum esse ex vi contritionis in gratia, & solum ei deesse Baptismum, per quem, tamquam per ianuam visibilis Ecclesiæ in illam ingrediuntur Fideles; at Infideles semper supponuntur sine gratia, & Dei inimici. Quærimus ergo an Sacerdos possit stipendium accipere à Catechumeno, illi

illique Missæ fructum applicare.

2 Dicamus posse utrumque, si enim potest pro Infideli, multo magis pro Catechumeno; cui saltem proderit Missa quoad Impetrationem, sicuti prodesse Infideli, modò dictum est Doctrinæ tamen, & curiositatis gratia tum de dictæ Impetrationis, tum de Satisfactionis fructu, ex opere operato, addo sequentia.

3 Quoad Satisfactionem. Quamvis non desint, a qui concedant Catechumeno existenti in gratia prodesse effectum Satisfactionis, ex opere operato, si pro ipso offeratur Missa, unde si sit in Purgatorio iuvvari per Missam possit, sicuti ceteri baptizati: communior tamen opi-

R §

opi-

2 Lexxa v. Missa n 7. aliqque apud
Lud. à Cruce in exp. Bull. Cruc. disp. 2.
ca. 8. nu. 10. vide etiam Fag. lib. 3. de pri-
mo pracep. Eccl. cap. 12. num. 29.
et 30.

nio & negat. Ratio negationis illa
affertur, quia Ecclesia per suos Mi-
nistros non potest applicare fru-
ctum Satisfactionis Missæ, nisi ijs,
qui sunt de membris suis, hoc est,
de Ecclesia visibili, in quam fit in-
gressus per Baptismum, quales
nondum sunt Catechumeni. Pro-
babiliter quidem, sed ego libens se-
quor opinionem affirmantem, &
huic rationi respondeo; Catechu-
menos non esse omnino extra Ec-
clesiam visibilem, sed aliquo rati-
o modo ad illam pertinere, si-
quidem propter fidem, quam jam
animo conceperunt, & jam externè
professi sunt, inchoati è sunt de
visibili Ecclesia Exemplum dare
soleo de Novitiis alicuius Religio-
nis; ii enim verè Religiosi nequa-
quam sunt, pertinent tamen ad Re-
ligionem, suntque initiati è ejus
Religionis, cujus habitum suscepe-
runt.

a Suarez de Sac. disp. 79 sec. 10 §. 1. igitur
Arch. de ord. tr. 3. p. 2 c. 7 n. 3 aliis
ab ipsis citati.

tunt; unde, sicuti iidem participant de Religionis susceptæ privilegiis, ita putandum est, Christum Dominum noluisse excludere de suæ Passionis Satisfactione, fructuque Sacrificii eos, qui aspirant ad Baptismum, atque externa etiam petitione deprecantur.

4 Quoad Impetrationem Facilius certè conceditur, quoad ipsam ex opere operato, prodesse Catechumeno, tum propter rationem insinuatam, quod Catechumenus initiativè pertinet ad Ecclesiam visibilem; tum universaliter, comprehendendo etiam infideles: quia hoc sacrificium, ut est impetrativum, utique ex opere operato, potest Deo offerri ex Tridentino, & pro quacumq; re obtinenda, etiam temporalis, ut, pro pluvia, pecoribus, aliisque necessitatibus, *Mirum autem esse ait hic Delugo b cōtra Vas-*

R 6 quez

a *Trid sess 22. can. 3.*

b *Delugo de Euch. disp. 19. sec. 10. nm.*

quez negantem, sed cum Suario
 b concedente, quod Missa posses offer-
 ri ad impetrandam sanitatem Bovis, non
 autem ad salutem amico Infideli. Nec
 deest ratio, qua simul dissoluntur
 argumenta contraria, nam Impe-
 ratio non respicit immediatè per-
 sonam, cui conferrur beneficium,
 sed personam, quæ postulat, unde
 qui petit sanitatem Bovis, non dici-
 tur offerre pro Bove, sed pro se, ut
 impetret sibi immediatè illud bene-
 ficium sanitatis bonis: Ita ergo etiam
 dato, quod Missa immediatè pro nō
 baptizato offerri nequeat & poterit,
 pro se ipso Sacerdote beneficium, im-
 petret salutem non baptizato.

¶ Sed hæc Scholastici tractent:
 illud collige, posse, sine scrupulo à
 Sacerdote applicari Carechumeno
 Missam, quæ iam proderit, quoad
 fructum Impetrationis certò, pro-
 babiliter

a Vasq. de Euch. disp. 227. c. 2. § 3.
 b Suar. de Sacram d. 78. sect. 2. §. 1. En.
 60. 3. § d. 79. seq. 10 § 1. igitur.

habilitate verò, quoad fructum Satisfactionis.

§. IV.

An offerri Missa possit pro Excommunicatis.

1. **E**Xcommunicari alij sunt tolerati : seu , quod idem est, non vitandi , alij non tolerati, seu, quod idem est, vitandi. Et quidem publicè denunciati nominatim , & publici percussores Clericorum sunt vitandi : ceteri omnes non vitandi.

2. Præterea , Sacerdos (ut rectè distinguit , cum aliis , Coninch) a triplicem personam repræsentat. Primo immediatè ipsius Christi, cuius tanquam principalis offerentis, sacrificium, eiusque fructum, ex opere operato , alicui applicat. Secundo ipsius Ecclesiæ , tanquam

R 7

cuius

a Coninch disp. 14. de excomm. dub. 6.

nn. 36.